


中國郵務局特准掛號認爲新聞紙類

LA JEUNESSE



中華民國五年
二月十五號出版



第一卷第六號



青年雜誌



最良之自修書

最新英文典

詳明顯豁無比

教育部批

是書體例。略與嚴氏英文漢語。日人昨柳氏邦文英文典相彷彿。而其分類精詳。搜材豐贍。則較軼二氏。詢參考書之善本。

本書以詳明綿博為主旨。故參考採集於東西名著者多至十數種。去短取長。新穎精當。馬相伯先生有序謂體例賅備。行文顯達。實近今未有之鉅製云。英文法中最煩難者。為前置詞。本書注重此點。論之極詳。末後並附句點法一篇。凡讀文作文能了然於句點之法。則則文中之抑揚頓挫必可心領而神會。此亦本書之特長也。

精裝全一冊

定價一元五角

彭毅編著

馬相伯先生序文

棋盤街

上海

羣益書社

發行

羣 益

美國公民學

精裝一冊

定價八角

本書為美國學校通用課本。首述公民之初步。次述公民與政府之關係。次述公民對於經濟上之義務。次述公民與社會之關係。次述公民與國際之關係。大而政事。小至社交。皆詳行止。皆各有原則。以矩矱之不可稍相離。雖太倉唐先生。亦謂此書。目極細微。俱備其精。而之。意於我國大學。既經相入。而人達之。執此社會國家之通。雖不備於以見。然則立國之精神。足為我國今日之模範。有志之士。當舉而應之。之銘。

印

納氏第四

英文法講義卷上

馬相伯先生序

趙灼先生譯

納士斐爾英文典。為英文新著中最善之作。惟原書係教科體裁。且無漢文適當解釋。本社取其全書。用漢文演成講義。凡扼要處。詳加註釋。所列問題。皆附答案。曾習原文者。得此本讀之。有反證融會之益。

- | | |
|------|------|
| 第一全 | 五 |
| 第二全 | 八 |
| 第三上 | 一元二角 |
| 第三下 | 一元二角 |
| 第四上 | 一元五角 |
| 第一表解 | 一角六分 |

社 書

美國民主政治大綱

精裝一冊

三角五分

此書分上下二編。上編述地方自治及邦自治之制度。下編述中央政府之制度。且附述合衆國建國及革命史略。於凡機關各制度之要素。組織政府各部之程序。人民與約法之關係。皆能指點不繁。而大要畢備。閱覽一過。即可將共和國所以成立之大本了於心。我國國體。雖已變更。而未盡共和。其精神者。固不少。此書最足當印官閣事。誠尤便讀。

行

青年雜誌

第一卷第六號目次

(民國五年二月十五日發行)

吾人最後之覺悟

陳獨秀

戰雲中之青年

易白沙

孔子平議(上)

易白沙

青年之敵

高語罕

愛情
意中人

薛琪瑛女士

小說
初戀

陳遐

戴雪英國言論自由之權利論

高一涵

英美
美國人之自由精神

劉叔雅

人口問題與醫學.....孟明

大飛行家譚根.....記者

英國少年團.....謝鴻

巡視美國少年團記.....謝生

德國
將軍 麥剛森將軍.....李亦民

國外大事記.....記者

▲美國繼任總統問題

▲孟的內哥之全境陷落

▲加里波里半島撤兵

國內大事記.....記者

▲賀日之使命中止

▲滇警聲中之貴州

▲帝制延期通告

▲古巴對待華僑之苛例取消

通信.....記者

世界說苑.....李亦民

社書

益羣

納氏第四

英文法講義卷上

馬相伯先生序
趙灼先生譯
陳文祥

納士斐爾英文典為英文新著中最善之作。惟原書係教科體裁。且無漢文適當解釋。本社取其全書。用漢文演成講義。凡扼要處。詳加註釋。所列問題。皆附答案。曾習原文者。得此本讀之。有反證融會之益。

- | | |
|------|------|
| 第一全 | 五 |
| 第二全 | 八 |
| 第三上 | 一元二角 |
| 第三下 | 一元二角 |
| 第四上 | 一元五角 |
| 第一表解 | 一角六分 |

美國公民學

精裝一冊
定價八角

本書為美國學校通用課本。首述公民之初步。次述公民與政府之關係。次述公民於經濟上之義務。次述公民與社會之關係。次述公民與國際之關係。大而政事。小至社交。皆詳行止。皆當各有標準。以矩矱之不可稍相離。雖太倉唐先生評。謂其目標。極其精確。其精確之意。與我國大學所記。相入。入道之軌。維社會國家之通。維不偏。於此。以見美國立國之精神。實足為我國今日之模範。有志之士。當學作摩右之銘。

美國民主政治大綱

精裝一冊

三角五分

此書分上下二編。上編述地方自治及邦自治之制度。下編述中央政府之制度。且附述合衆國建國及革命史略。於凡構成各國制度之要素。組織政府各部之程序。人民與約法之關係。皆能指點不繁。而大要畢備。閱覽一過。即可將共和國所以成立之大本了於心。我國國體。雖已變更。而未盡共和。與讀者無屬不少。此書最足當印實。事。誠尤惟請。

行

印

青年雜誌 第一卷第六號目次

(民國五年二月十五日發行)

吾人最後之覺悟.....陳獨秀

戰雲中之青年.....易白沙

孔子平議(上).....易白沙

青年之敵.....高語罕

愛情意中人.....薛琪瑛女士

小說初戀.....陳嘏

戴雪英國言論自由之權利論.....高一涵

英美兩國之自由精神.....劉叔雅

人口問題與醫學.....孟明

大飛行家譚根.....記者

英國少年團.....謝鴻

巡視美國少年團記.....謝生

德國
農將 麥剛森將軍.....李亦民

國外大事記.....記者

▲美國繼任總統問題

▲孟的內哥之全境陷落

▲加里波里半島撤兵

國內大事記.....記者

▲賀日之使命中止

▲滇警聲中之貴州

▲帝制延期通告

▲古巴對待華僑之苛例取消

通信.....記者

世界說苑.....李亦民

吾人最後之覺悟

陳獨秀

人之生也必有死。固非爲死而生。亦未可漠然斷之曰爲生而生。人之動作必有其的。其生也亦然。洞明此的。斯眞吾人最後之覺悟也。世界一切哲學宗教。皆緣欲達此覺悟而起。茲之所論。非其倫也。茲所謂最後之覺悟者。吾人生聚於世界之一隅。歷數十年。至於今日。國力文明。果居何等。易詞言之。卽盱衡內外之大勢。吾國吾民。果居何等地位。應取何等動作也。故於發論之先。申立言之旨。爲讀者珍重告焉。

吾華國於亞洲之東。爲世界古國之一。開化日久。環吾境者皆小蠻夷。閉戶自大之局成。而一切學術政教。悉自爲風氣。不知其他。魏晉以還。象教流入。朝野士夫。略開異見。然印土自己已不振。且其說爲出世之宗。故未能使華民根本丕變。資生事之所需也。其足使吾人生活狀態變遷。而日趨覺悟之途者。其歐化之輸入乎。歐洲輸入之文化。與吾華固有之文化。其根本性質極端相反。數百年來。吾國擾攘不安之象。其由此兩種文化相觸接相衝突者。蓋十居八九。凡經一次衝突。國民卽受一次覺悟。惟吾人情性過強。旋覺旋迷。甚至愈覺愈迷。昏瞶糊塗。至於今日。綜計過境。略分七期。第一期在有明之中葉。西教西器初入中國。知之者乃極少數之人。亦復驚爲河漢。信之者惟徐光啓一人而已。第二期在清之初世。火器歷法。見納於清帝。朝野舊儒。羣起非之。是爲中國新舊相爭之始。第三期在清之中世。鴉片戰爭以還。西洋武力。震驚中土。情見勢絀。互市局成。曾李當國。相繼提倡西洋製械練兵之術。於是洋務西學之名詞。發現於朝野。當時所爭者。在朝則爲鐵路非鐵路問題。在野則爲地圓地動地非圓不動問題。今之童稚皆可解決者。而當時之頑固士大夫。奮筆鼓舌。嘵嘵不已。咸以息邪說正人心之聖賢自命。其睡眠無知之

狀態。當世必覺其可惡。後世祇覺其可憐耳。第四期在清之末季。甲午之役。軍破國削。舉國上中社會。大夢初覺。稍有知識者。多承認富強之策。雖聖人所不廢。康梁諸人。乘時進以變法之說。聳動國人。守舊黨尼之。遂有戊戌之變。沈夢復酣。暗雲滿布。守舊之見。趨於極端。遂積成庚子之役。雖國幾不國。而舊勢力頓失憑依。新思想漸拓領土。遂出行政制度問題。一折而入政治根本問題。第五期在民國初元。甲午以還。新舊之所爭論。康梁之所提倡。皆不越行政制度良否問題之範圍。而於政治根本問題。去之尚遠。當世所詫為新奇者。其實至為膚淺。頑固黨富國。並此膚淺者而亦抑之。遂激動一部分優秀國民。漸生政治根本問題之覺悟。進而為民主共和君主立憲之討論。辛亥之役。共和告成。昔日仇視新政之君臣。欲求高坐廟堂從容變法而不可得矣。第六期則今茲之戰役也。三年以來。吾人於共和國體之下。備受專制政治之痛苦。自經此次之實驗。國中賢者。寶愛共和之心。因以勃發。厭棄專制之心。因以明確。吾人拜賜於執政。可謂沒齒不忘者矣。然自今以往。共和國體。果能鞏固無虞乎。立憲政治。果能施行無阻乎。以予觀之。此等政治根本解決問題。猶待吾人最後之覺悟。此謂之第七期。民國憲法實行時代。

今茲之役。可謂為新舊思潮之大激戰。淺見者咸以吾人最後之覺悟期之。而不知尙難實現也。何以言之。今之所謂共和。所謂立憲者。乃少數政黨之主張。多數國民不見有若何切身利害之感。而有所取捨也。蓋多數人之覺悟。少數人可為先導。而不可為代庖。共和立憲之大業。少數人可主張而未可實現。人類進化。恒有軌轍。可尋。故予於今茲之戰役。固不容懷悲觀。而取卑劣之消極態度。應復不敢懷樂觀。而謂可躊躇滿志也。故吾曰。此等政治根本解決問題。不得不待諸第七期。吾人最後之覺悟。此覺悟維何。請

爲我青年國民珍重陳之。

(一)政治的覺悟。吾國專制日久。惟官令是從。人民除納稅訴訟外。與政府無交涉。國家何物。政治何事。所不知也。積成今日國家危殆之勢。而一般商民。猶以爲干預政治。非分內之事。國政變遷。悉委諸政府及黨人之手。自身取中立態度。若觀對岸之火。不知國家爲人民公產。人類爲政治動物。斯言也。歐美國民多知之。此其所以莫敢侮之也。是爲吾人政治的覺悟之第一步。吾人既未能置身政治潮流以外。則開宗明義之第一章。卽爲決擇政體良否問題。古今萬國政體。不齊治亂。各別其撥亂爲治者。罔不舍舊謀新。由專制政治趨於自由政治。由個人政治趨於國民政治。由官僚政治趨於自治政治。此所謂立憲制之潮流。此所謂世界系之軌道也。吾國既不克閉關自守。卽萬無越此軌道。逆此潮流之理。進化公例適者生存。凡不能應四周情況之需求。而自處於適宜之境者。當然不免於滅亡。日之與韓。殷鑑不遠。吾國欲圖世界的生存。必棄數千年相傳之官僚的專制的個人政治。而易以自由的自治的國民政治。也是爲吾人政治的覺悟之第二步。所謂立憲政體。所謂國民政治。果能實現與否。純然以多數國民能否對於政治自覺其居於主人的主動的地位爲唯一根本之條件。自居於主人的主動的地位。則應自進而建設政府。自立法度。而自服從之。自定權利。而自尊重之。偷立憲政治之主動地位。屬於政府。而不屬於人民。不獨憲法乃一紙空文。無永久厲行之保障。且憲法上之自由權利。人民將視爲不足重輕之物。而不以生命擁護之。則立憲政治之精神。已完全喪失矣。是以立憲政治。而不出於多數國民之自覺。多數國民之自動。惟日仰望善良政府。賢人政治。其卑屈陋劣。與奴隸之希冀主恩。小民之希冀聖君賢

相施行仁政。無以異也。古之人希冀聖君賢相施行仁政。今之人希冀偉人大老建設共和憲政。其卑屈陋劣亦無以異也。夫偉人大老亦國民一分子。其欲建設共和憲政。豈吾之所否拒。第以共和憲政非政府所能賜予。非一黨一派人所能主持。更非一二偉人大老所能負之。而趨共和立憲。而不出於多數國民之自覺與自動。皆僞共和也。僞立憲也。政治之裝飾品也。與歐美各國之共和立憲絕非一物。以其於多數國民之思想人格無變更。與多數國民之利害休戚無切身之觀感也。是爲吾人政治的覺悟之第三步。

(二) 倫理的覺悟。倫理思想影響於政治。各國皆然。吾華尤甚。儒者三綱之說爲吾倫理政治之大原。共貫同條。莫可偏廢。三綱之根本義階級制度是也。所謂名教所謂禮教皆以擁護此別尊卑明貴賤制度者也。近世西洋之道德政治乃以自由平等獨立之說爲大原。與階級制度極端相反。此東西文明之一大分水嶺也。吾人果欲於政治上採用共和立憲制。復欲於倫理上保守綱常階級制。以收新舊調和之效。自家衝撞此絕對不可能之事。蓋共和立憲制以獨立平等自由爲原則。與綱常階級制爲絕對不可相容之物。存其一必廢其一。倘於政治否認專制於家族社會仍保守舊有之特權。則法律上權利平等經濟上獨立生產之原則破壞無餘。焉有並行之餘地。自西洋文明輸入吾國。最初促吾人之覺悟者爲學術。相形見絀。舉國所知矣。其次爲政治。年來政象所證明已有不克守缺抱殘之勢。繼今以往。國人所懷疑莫決者。當爲倫理問題。此而不能覺悟。則前之所謂覺悟者非徹底之覺悟。蓋猶在惛恍迷離之境。言敢斷言曰。倫理的覺悟爲吾人最後覺悟之最後覺悟。

戰雲中之青年

易白沙

逢逢戰雲。一西一東。一南一北。吾青年間見所涉之世界。已成一伏尸流血。寡妻孤子。傷心慘目之世界。吾青年生長優游寄託之國家。已成一千戈紛起。黔首流離。存亡危急。救死不遑之國家。吾青年今日之貌躬。遭茲世界。處茲國家。其責任重大。不啻背負四百兆男女老幼之哀樂。且肩擔六大洲人類之榮枯。愚爲斯言。實非夸語。更非故造危詞。聳動青年諸君子之清聽。凡個人與國家。國家與世界。言笑動止。罔不息息相關。倘自放棄其責任。則父母妻子。俯畜飲食衣服。思想言論。當一一俛首靜待他人裁制。幽魅罔兩。宵翹僇。隨地可以停止。我之發言權。而我青年時代之生涯。將如朝菌。蜉蝣。僅生息此晦朔春秋。範圍以內。如嬰兒老朽。惟啼笑展轉於床簀咫尺之間而已。斯人也。側身天地。尙安有絲毫價值。之可言。放棄責任之青年。卽一錢不值之青年也。卽朝菌。蜉蝣。嬰兒老朽。而非青年也。所謂責任者。非朝發一議。日諷世。夕倡一論。曰救國。出疆載質。干說當軸。朋黨比周。競奪聲譽。大敵當前。猶爭私憤。覆巢在目。且攘利權。此實人羣之蠹賊。不得尊爲救世救國敢負責任之青年。彼利權之奴也。情慾之奴也。以較放棄責任者之奴於他人。無所擇其妍媸。

放棄責任者。勿論矣。競利權而恣情慾。亦與負責任之實絕不相類。惟願目前一已苟安。罔惜他日喪邦禍國。以責任爲利權情慾之犧牲。以利權情慾爲責任之代價。專制政治。則爭帝王。共和國家。則爭總統。從事政黨。則造言相詆。服役百僚。則羣相構陷。將帥握符節。則視異軍爲仇讎。縉紳長閭里。則目鄰邑爲

敵國。甚至一學校之師徒。一言論之報紙。一通有無之商賈。一化百材之工藝。亦多偏於感情。趨重利權。同室操戈。勇於私鬥。邦人特性。往往以社稷人民。爲利權情慾殉葬之冥器。觀於亡明之季。朱氏子孫。閣大臣。疆場將領。莫不相排相嫉。相攻相奪。相掣肘。相牽制。洪承疇。吳三桂之徒。且引盜入室。爲王前驅。使滿洲最少數游牧民族。鞭笞神州。宰制華夏。我國人至今猶受其遺毒焉。此中國過去之青年。放棄責任。競競於利權情慾之咎也。人於水鑑。無如民鑑。亡明之民。可以鑑矣。今祝禱現在之青年。勿放棄責任。尤必先祝禱現在之青年。犧牲利權。與情慾。絕此兩大妖魔。乃可與言責任矣。

責任者。果何物耶。精潔純白。堅忍沉毅。出於良知之自然。不可旁代。不可中立。發動非由情慾。希望不在利權者也。如孝子之救父。忠臣之抗國。慈母之保赤子。俠士之重然諾。全由一己精神。振蕩發越。用志所在大。浸稽天而不溺。大旱金石流。山土焦而不熱。赴湯蹈火。死不旋踵。以求心之所安。當孝子忠臣慈母俠士。險阻艱難。負其責任而趨。鄰人之子。謂孝子曰。吾代救汝父。他國之大夫。謂忠臣曰。吾代衛汝國。東鄰老嫗。謂慈母曰。吾代保汝子。遠方丈夫。謂俠士曰。吾代踐汝諾。假令孝子許之。則失其爲子之資格矣。忠臣許之。則失其爲臣之資格矣。慈母許之。則失其爲母之資格矣。俠士許之。則失其爲士之資格矣。何也。彼各立於良知上。主人地位。絕對不容他人代盡其責任者也。此種責任心。至精潔純白。絕無絲毫他種卑劣蕪穢之原質。醞釀錯雜其間。我責任重大之青年。尤不可不辨析此界說焉。

嗚呼。今日何日。我青年之父。待救亦極矣。青年之國。待抗衛亦極矣。青年之赤子。待保抱揣持亦極矣。青年之然諾。待踐行亦極矣。干戈環繞於吾人之四周。干戈之外。又有干戈以環繞焉。何地無號啼之聲。何

處無死亡之慘。空氣呼吸。何一非血雨腥風。禍災遷移。何一不驚心動魄。愚者於此時。追責戎首。夫戰爭之起。必有遠因。歐洲之大決鬪。乃外交上四五十年之歲月所演成。中國之閱牆。則歷史上四千年所栽餘孽也。服上刑者。非墓木已拱。卽華髮墮顚。皆過去之青年。於今日人類痛苦。已無補救。祇供歷史學者憑弔之材料已耳。智者於此時。又推測將來。弔死扶傷。培養元氣。以恢復人間百福。此固慈善事業中第一問題。維持永久和平。廓清野心家之侵略主義。尤人生應有之籌策。凡此所陳。談何容易。蓋非數十百年慈祥惻隱之仁人。公同討論。斷難成就。是乃未來之青年所有責任也。吾今日現在之青年。萬難放棄之責任。不在追咎既往。與推測將來。惟在目前千金一刻之轉瞬光陰。救父抗國。保赤子踐然諾而已。救之抗之。保之踐之之道。惟撫劍疾視。求敵一人。不必如項籍學萬人敵。范希文胸中有數萬甲兵。各奮匹夫之勇。廓清世界之戰雲。與國內之戰雲而已。

歐洲戰雲。彌漫世界。吾青年本無中立之理也。彼抱負大塞爾維亞主義之青年。擊死奧大利之男女兩青年。竟演成一折天柱絕地維空前之大決鬪。始則奧塞二國之毗連。於是俄人與焉。德人與焉。法人與焉。如比利時。如魯森堡。如黑山國。如勃牙利。如土耳其之弱。如意大利之中立。皆聯袂投入戰爭。惟恐或後。印度埃及阿拉伯波斯。諸亡國遺民。亦且見獵心喜。躍躍欲試。東方日本。風馬牛不相及也。乃隔萬里重洋。通哀的美敦書於德人。皆以加入交戰團爲榮幸。以血飛肉舞之場爲俱樂部。論者爭傳某國協約。某國同盟。某國外交。某國運動。其實皆非也。諸國之青年。各尊重其責任心耳。而不然者。我之青島。切膚巨痛。較諸協約同盟外交運動。其關係孰深。胡爲從壁上觀戰耶。鬱鬱泰山。美哉國乎。我青年一

且放棄其責任。遂使清夜胡笳。雜吹於鄰營。縉紳先生之門。而五月七日最後通牒。無形之滅亡。視比利時塞爾維亞之山河破碎。爲辱幾何。非我青年不負責任之咎。而誰咎哉。

此次國內之紛爭。是非曲直。非本題所欲論。但計國勢安危。道德存亡。身世榮辱。我青年肩負之責任。實萬無放棄之餘地。萬無中立之理由。此而放棄。此而中立。譬諸野彘兩虎相。盡枕耽。逐逐爪牙。奮張彘守局外終爲勝者之犧牲。譬諸齊姬遇兩蕩子。富均貌。敵嫉妬。尋仇。機阱。構陷。齊姬傍觀。惟供勝者之狎玩。犧牲者放棄之結果也。狎玩者中立之報酬也。愚何敢以鄙悖不情之喻。侮我青年。惟皇天無親。降此喪亂。我國家地位。實去野彘無幾。我國民資格。若再經一次墮落。其高於齊姬幾何。決非愚者所能忖度。儒家有恆言曰。今有同室之人鬪者。救之。雖被髮纓冠而救之可也。鄰邦有鬪者。被髮纓冠而往救之。則惑也。雖閉戶可也。此辨別人生責任。有當負者。有不當負者。夫鄉鄰血鬪。未嘗不擾亂公安。與其閉門高枕。受池魚之殃。奚若仗義執言。肅清風紀。使貪人敗類。不容於鄉里。吾國青島中立所損利權。等於甲午庚子之役。是即閉戶主義所遺之辱焉。矧今者禍起門內。無戶可閉。我青年唯一之責任。惟祈諸良心。判其曲直。仗劍而起。左袒其兄也。可左袒其弟也。亦可而袖手旁觀。則不可以非他人他國之事。無中立之餘地也。予聞夏之亡也。桀與其屬五百人。徙於齊。齊民不從。徙於魯。魯民復犇。其屬五百人。遂蹈海焉。此視田橫之客。未見其劣也。吾青年果不放棄責任。雖之齊之魯之海。亦無不可。況從事桑林之舞乎。